

232

268

Bosna i Hercegovina
 Federacija Bosne i Hercegovine
KANTON SARAJEVO
 Ministarstvo za boračka pitanja



Bosnia and Herzegovina
 Federation of Bosnia and Herzegovina
CANTON SARAJEVO
 Ministry of Veteran's affairs

Broj: 06-05-3781/17
 Sarajevo, 13.02.2017. godine

14-02-2017

SKUPŠTINA KANTONA SARAJEVO
- OVDJE -

PREDMET: Odgovor na zastupničko pitanje zastupnika Edina Forte, dostavlja se

Zastupnik Edin Forto je na 25. Radnoj sjednici Skupštine Kantona Sarajevo održanoj dana 07.02.2017. godine, u okviru tačke Dnevnog reda „Poslanička pitanja, inicijative i odgovori“, a u skladu sa Poslovnikom Skupštine Kantona Sarajevo, postavio zastupničko pitanje:

„Da se dostavi informacija o kriterijima raspodjele sredstava za banjsko i klimatsko liječenje (medicinska rehabilitacija), koliko je lica podnijelo zahtjev i ostvarilo prava u 2016. godini, a koliko je bilo zaostalih slučajeva iz ranijih godina“?

Na postavljeno zastupničko pitanje dajemo sljedeći odgovor:

ODGOVOR

Zakonom o dopunskim pravima boraca-branitelja Bosne i Hercegovine („Službene novine Kantona Sarajevo“, broj 45/12-Prečišćen tekst i 26/14) (u daljem tekstu Zakon) je definisano „pravo na banjsko i klimatsko liječenje“. Članom 9. pomenutog Zakona propisano je da: „Lica iz člana 1. ovog zakona, pod uvjetima propisanim ovim Zakonom, imaju pravo na banjsko i klimatsko liječenje (medicinsku rehabilitaciju).“

Na osnovu člana 68. stav 1. Zakona o organizaciji organa uprave Federacije Bosne i Hercegovine („Službene novine Federacije BiH“ br. 35/05), a u vezi sa članom 9. Zakona o dopunskim pravima boraca-branitelja Bosne i Hercegovine („Službene novine Kantona Sarajevo“, broj 45/12-Prečišćen tekst i 26/14) donesen je Pravilnik za utvrđivanje prava na banjsko i klimatsko liječenje (medicinska rehabilitacija) („Službene novine Kantona Sarajevo“ br. 30/08, 6/11, 13/13, 48/13 i 12/14) kojim su uređeni korisnici prava, način i postupak za ostvarivanje prava, podnošenje zahtjeva, obavezna dokumentacija, uvjeti za ostvarivanje prava, nadležna komisija za odlučivanje, vremenski termini upućivanja na banjsko liječenje, prioriteti pri ostvarivanju prava, način realizacije, lista dijagnostičiranih oboljenja, način i postupak ostvarivanja prava na klimatsko liječenje i finansiranje ostvarivanja ovih prava.

Zahtjev za ostvarivanje prava na banjsko liječenje (medicinsku rehabilitaciju) i klimatsko liječenje podnosi se Ministarstvu za boračka pitanja Kantona Sarajevo, putem općinskih službi za boračka – invalidsku zaštitu općine na kojoj imaju prebivalište – boravište. Podneseni zahtjevi za ostvarivanje prava na banjsko liječenje



web: <http://mbp.ks.gov.ba>
 e-mail: minbopi@ks.gov.ba
 Tel: + 387 (0) 33 562-012, Fax: + 387 (0) 33 562-251
 Sarajevo, Reisa Džemaludina Čauševića 1





(medicinsku rehabilitaciju) važe za budžetsku godinu u kojoj su podnieti, a u skladu sa članom 4. stav 1. i 2. Pravilnika za utvrđivanje prava na banjsko i klimatsko liječenje (medicinska rehabilitacija) ("Službene novine Kantona Sarajevo" br. 30/08, 6/11, 13/13, 48/13 i 12/14).

Članom 12. stav 1. Zakona propisano je da Ministarstvo za boračka pitanja Kantona Sarajevo zaključuje ugovore o banjskom i klimatskom liječenju sa ustanovama i privrednim društvima, odnosno specijaliziranim zdravstvenim ustanovama u kojima se u liječenju primjenjuje i prirodni faktor, drugim zdravstvenim ustanovama u kojima se liječenje obavlja pretežno prirodnim faktorom, kao i u ustanovama i privrednim društvima osnovanim za liječenje, odmor, i rekreaciju u kojima se u liječenju primjenjuje prirodni faktor, a u skladu sa propisima iz oblasti javnih nabavki.

Istim članom stav 2. Zakona propisano je da se ugovorima iz stava 1. naročito utvrđuje obim i kvalitet zdravstvenih i drugih usluga koje te ustanove i privredna društva pružaju korisnicima, cijene tih usluga i druga međusobna prava i obaveze.

Prilikom provođenja javnih nabavki bolesti/povrede su grupisane po srodnosti, te ponuđači u skladu sa uslovima iz tenderske dokumentacije između ostalog dokazuju i za koje su bolesti specijalizirani. Na osnovu takvog odabira banjskih lječilišta Ljekarska Komisija koju imenuje ministar za boračka pitanja, na osnovu ljekarskih nalaza priloženih u zahtjevu za banjsko liječenje, upućuje korisnike u odgovarajuću ustanovu.

U toku 2016. godine podneseno je ukupno 1700 zahtjeva za banjsko liječenje, od čega je navedeno pravo koristilo 708 podnosilaca zahtjeva. Što se tiče zaostalih zahtjeva, oko 100 zahtjeva, a koji su u 2015. godini pozitivno riješeni, ali zbog utroška budžetskih sredstava u istoj godini nisu realizovani, isti su realizovani u 2016. godini.

Klimatska rehabilitacija se provodi u ustanovama koje se biraju po procedurama javnih nabavki. Kako je putem općinskih službi za BiZ bio mali odziv korisnika, korisnike su prvenstveno kandidovala boračka udruženja,

Ukupno je u 2016. godini klimatsku rehabilitaciju koristio 531 korisnik.

S poštovanjem,

Obradila: Melina Selimović Begović
Kontrolisala: mr. Belma Adilović



Dostaviti:

- Predsjedateljici Skupštine Kantona Sarajevo,
- Stručnoj službi Vlade Kantona Sarajevo,
- a/a.



web: <http://mbp.ks.gov.ba>
e-mail: minbopi@ks.gov.ba
Tel: + 387 (0) 33 562-012, Fax: + 387 (0) 33 562-251
Sarajevo, Reisa Džemaludina Čauševića 1

